

Reykjavík, 04.apríl. 2024

Tillaga að breytingu á skilmálum deiliskipulags vegna svala í þaki

Bústaðarhverfi

Samþykkt í Borgaráði dags. 14 desember 2006

Höfundar deiliskipulags eru Jakob Emil Líndal og Kristján Ásgeirsson hjá ALARK arkitektar.

Breytingin felst í að breytt er texta í kaflanum 5.1.1. Á reitnum hafa verið samþykktar ólíkar lausnir á rishæð húsanna hvað varðar svalir. Arkibúllan var fengin til að skoða erindið í stærra samhengi og koma með lausn sem kemur til móts við ósk íbúa á svæðinu og út frá fagurfræðilegum einkennum húsanna. Með þessari skilmála breytingu erum við að koma til móts við fjölda íbúa í hverfinu og athugasemdir Slökkviliðsins hvað varðar flóttaleið.

Texti í gildandi skilmálum um hækjun þakhæðar og svalir í risi er svo hljóðandi:


5.1.1 Hækjun þakhæðar

Þök skulu vera með heilvalma. Hæð mænis sé mest 3,6 m yfir efstu plötu í stað 3,4 m sem leyfðir voru í eldri skilmálum frá 1986-88. Setja má tvo kvisti á hvora langhlíð húss og má heildarbreidd hvors þeirra þeirra að hámarki vera 3,6m. Þakkvistir skulu vera samhverfir um miðju og má staðsetja kvisti á 4 m bili út frá miðju þakflatar í hvora átt. Aðrir þakgluggar fylgi þakhall. Fella má 2 svalir í hliðar- eða gaflfleti þaks. Séu þær felldar í hliðarfleti skal lengd þeirra ekki fara yfir $\frac{1}{5}$ af lengd hússins fyrir hvora íbúð fyrir sig. Séu þær felldar í gaflfleti má breidd þeirra ekki fara yfir $\frac{1}{2}$ af breidd steyptra útveggja gafls. Ásýnd hliðarfleta skal vera samhverf um miðju. Þakkantar adalþaks og kvistþaka skulu að hámarki vera 0,2 m að þykkt og skulu þakrennur vera sýnilegar til að skapa léttara yfirbragð sé þeim á annað bord breytt, sbr. skýringarmynd á uppdraðti.

Tillaga að viðbót að texta við gildandi skilmálum er svo hljóðandi:

5.1.1 Hækjun þakhæðar og svalir í risi

Í þeim tilfellum sem svalir koma út frá kvistum þaka húsa í Bústaðahverfi sé það gert með þeim hætti að flötur þakkants og form svala myndi eina heild, sjá skýringarmyndir.



- Flöturinn með brún skal vera algjörlega sjónrænt samhangandi, óháð því hvaða aðferð er notuð við smíði svalanna.
- Fyrsti kostur er að staðsteypa svalagólf þannig að það falli að fullu saman við steyptan þakkant. Sé það ekki talinn fýsilegur kostur og annað burðarkerfi valið þá skal gengið þannig frá að klæðning framan á og neðan á þakkanti sé algjörlega samhangandi með svölum og brún svala.
- Frágangur á þakkanti eftir breytingu skal undirstrika hugmyndina um samhangandi kant og svalagólf. Mælt er með því að yfirborðsfrágangur sé með mérkerfi máluðu í lit**

viðkomandi húss. Sé frágangur með plötuklæðningu skulu útlit og samskeyti klæðningar teiknuð sérstaklega af arkitekt með það að markmiði að tryggt sé að uppröðun og samskeyti klæðningar falli vel að myndbyggingu útlita húsanna.

- Sýnilegur burður, eins og súlur eða skástifur, undir svalagólfí skal ekki leyfður, heldur skal burður leystur með öðrum hætti samkvæmt forskrift burðarþolsverkfraeðings.
- Handrið skal vera stálhandrið úr galvanhúðuðu efni með finlegum útfærslum sem falla vel að stiltímabili húsanna.

Að öðru leyti gilda eldri skilmálar samþykks deiliskipulags.

Deiliskipulagsbreyting þessi sem fengið hefur meðferð í samræmi við ákvæði 1. mgr. 43. gr. skipulagslag nr. 123/2010 var samþykkt í borgarráði þann 18.apríl 2024 og aemb. afg. f. skipulagsfulltrúa þann 4.júlí 2024

Tillagan var auglýst frá 16.maí 2024 með athugasemdahesti til 2.júlí 2024

Auglýsing um gildistöku breytingarinnar var birt í B-deild Stjórnartíðinda þann 24.september 2024



	Skipulagsstofnun
Mót.::	10 okt. 2024
Mál nr.	